



圭塘小藁卷第二

元中憲大夫同僉太常禮儀院事第有孚編

古詩

神山避暑晚行田間用陶淵明平疇交遠風良
苗亦懷新為韻十首

田塍晚獨策及此時雨晴東畦與西疇泱泱流水聲
豐年已足歡清風復多情歸來藉草坐濁酒還自傾
不用澆魂為我懷無不平

寢迹非絕世雅志便林丘青山足一至勝處靡不遊
意適輒忘返茲焉夏已秋遙遙目力窮青青盡田疇

迷復幸不遠歸歟無異謀

脫身豪俠窟里氓締新交愛其心無穿不較醉語謔
生兒更有教治地盡肥壤禾黍已在眼瓜蔬早登庖
愧子良已多况敢希由巢

浮生苦無踪道近人自遠重外樂徇身遺世幾赫咍
老農初不知違違歲年晚清晨負耒出日夕行歌返
悠悠千載心它人莫予付

落日照我影頽然溪水中涼颼動絺衣勢欲凌虛空
顧之一大笑與爾將無同昔也爾何達茲焉爾何窮
莫道山林陋乃有黃虞風

昔人這公相映符彌崇岡不為朝夕利千載當自長
植獲非不榮我園因之荒白髮走畏途途備馬非良
桑榆賴非晚此樂且無央

靜念少日事碌中劇擾由欲令千載淳反之在一朝
斥鷃不自量上欲搏扶搖世怒任盲俗林譏愧清謠
傲骨日已長及辰事逍遙

淵明昔歸休開歲終五十我雖年近似我道慙什百
兼金與尺璧敢取情瓦礫緬焉動真想迅往孰誘亦
際幾歸田園千載可同迹

我聞昔桃源民風近無懷茲山亦深窈中有讀書齋

但絕車馬迹不惜雲煙埋旁園靡靡山上陰高高
聊以求今朝得酒從無廢

我髮日以變山色日已新與林試問山古今聞幾人
我非山主人聊為山之賓杖可入幽險詩能寫清淳
但恐我它適山乎爾誰鄰

謝吳閔閑大宗師寄鶴氅衣

逆駢欲遺世異服事終悠悠恭也差可觀未是真仙傳
因服究其衷有懷小竹樓一時示蕭散千載瞻風流
鄙人冒朱紫因循成白頭衣錦不尚絢帶宜承羞
歸來作褐父敝緼寒無憂老仙獨不棄謂可同真遊

解衣遠衣我意重千金裘高義固多感濁骨難克立
披之焚香坐世慮忘歸歎神仙未能學願學王黃州

陳芝田寫余真對之小酌戲成四韻

今日我與汝相看各花顛亟呼尊酒至我飲汝茫然
它年我長往酒但願汝前悟此一大笑沽酒休論錢

和林春野見寄韻二首

山中真可樂經旬無客來群材足撥補小臣甘草萊
君看倦飛鳥投林不徐徊咄爾迷途人悵悵自紆回
海鷗久已狎鸕鷀復何猜秋風看水落春風看花開
既種芋猷竹亦有逋仙梅先生可休矣大夫亦賢哉

高步雲漢閱蹻蹻距能陪尚可學來藥談笑到天台
又

士生如大木皆欲保明堂寧知施用處用圓吾乃方
歸來何所事琢句敷賢腸既為烟霞宿復作花月荒
一壑今已專萬景身可當山空白石爛雲盡青天長
故人遠相慰魂辭聯夜光一展發時時再誦鏗琅琅
貞松無冷容老桂多古香三復如見君歲晚誰能忘

宿臨湘贈誠之監縣

北風擗聲乾晚泊斷磯下雲岫浮脩蛾霜空入平楚
鳴鴈無處尋落日不可画重岡護巖邑百里寄民社

籍甚賢大夫居然魯恭化豐年足稔稻沃壤滿桑柘
我如無心雲底事勞候逐爛醉得詩歸江山非傳舍

李惟微中丞奉東宮命作椎結請紀其故以百
字頌而祝之

總角習義方結髮事明主櫛維多且貂勤勞幾寒暑
青皇一顧中遂與國人伍區別垂鬢雲岐分載鴉羽
昔我秋谷公爬搔淨寰宇象賢實無愧冠服儼前矩
頽言壽而康三握勿為苦它年麟閣上雪鬢照簪組
何用杖肝石道貴隨所處老我任飛蓬詩美繩武
次韻可行記圭塘草木八首

吾家青牛君伯仲龍矯矯不似丁令威暫來立華表
鬼神護斧斤風霜幾昏曉摩挲左紐文曾見陸為沼

又

徂徠以多賤吾圃斯拔萃遠從它山移清與幽境會
樂天才四十裁爾已興嘅吾年六十三方期翠成蓋

又

長公有名言不可居無竹僕僕亦嘗森森植寒玉
聲來書幌清陰入酒杯綠何須更晚食此君足當肉

又

蒼官昔多事乃與群鳥鄰如在圭塘亦勝居神困

老根已作石霜皮不成鱗不用歎不遇參軍能寫真

又

朝來花斬新暮雨墜紅濕藤茁維助竒觀羅幙層層碧
昌黎性苦隘政爾要蒙幕一笑問秋乎還能誨人奕

又

披披青羅扇敷陰圭塘阿夏窓雲影薄秋枕雨聲多
翰墨聊復爾風霜其若何休教近湖石掩映美人歌

又

人生念慈親堂階多樹萱忽隨靈椿化冥漠俱高騫
此憂誰可忘肝推不能言對花羞自慰白頭還抱孫

又
昔人避秦亂川原多種桃我幸遇明世栽培胡自勞
看花食其實為圃豈不遭踈懶強鞭策猶勝宅不毛

寄歸彥溫

林慮吾郡山棄之來浚都子實浚都人乃得居林慮
出疆必載質滄海或乘將聖賢義有在并介遂殊途
靜言復自咎九微有不渝素閣築土室苑粲安一車
六月擁裘卧異世真同符何當雲壑裏添我一茅廬
歌行

應制天馬歌

臣聞 聖元水德正色在朔方物產雄偉馬最良川
原飲斲幾萬萬不以數計以谷量承平雲布十二閑
華山百草春風香又聞有駿在西極權奇儼鍾乾
剛茂陵千金不能致直以兵戈勞廣利當時紀述雖
有歌侈心一啓何由制吾皇慎德邁前古不寶遠物
物自至佛郎國在月窟西八尺真龍入維繫七逾大
海四閱年灤京今日才朝天不煩翦拂光奪目正色
呈瑞符吾玄鳳髻龍臆渴鳥首四蹄玉後鑿其前九
重喜見遠人格一時便勅良工傳玉鞭錦韉黃金勒
瞬息殊恩備華飾天成異質難自藏志在君知不在

物方今天下有道時絕塵詎敢稱其力臣才罷驚亦
自知共服安輿無要軼

題友人所藏明妃圖

賢者骨沁守宮震金鎖重門怨銀鑰深宮有眼不識
春書長時聽雲間樂平生所見惟監宮今朝豈期見
畫工君王知畫不知妾薄命已分如秋蓬黃沙漫漫
天無窮驚鷗吹老紅芙蓉穹廬明日又何處此生遂
負南歸鴻和親納侮號上策建議詒謀妾敬責妾身
雖苦免主憂猶勝專寵亡人國關山寥落夢亦迷嫁
雞正爾隨雞飛人間生女莫望貴只可近作田家妻

琵琶聲斷霜天月青塚至今青不歇後來却有蔡文
姬千古胡笳辱哀拍

行建德縣民有訴作橋罹害者作徒扛行

霜餘溪湍息奔闢農隙維時梁可構往來恐有病滋
人官著恒規誰敢後邑胥承帖來鄉里鄉民見胥如
見鬼督材斬木到丘壟致期視成殿婦子人未安行
力已疲冬無旨蓄雞先死田家雞盡誠可哀邑宰旦
夕行橋來吁嗟此役本為利誰知為害翻百倍老癯
偃倭誼且泣莫遣吏監民自力治貪問瘼乃吾事去
甚痛懲尤所急老癯又言官試聽今日所知百無一

我聞此語憤填膺不可勝誅空太息安得落落寰區
間盡是龔黃二千石

臨江見大船宏麗異甚賦賈客樂

鼓聲震蕩馮夷宮帆腹吞飽江天風長年望雲坐長
嘯穩駕萬斛凌虛空主人揚州賣鹽叟重樓丹青照
窓牖斗帳香凝畫閣深紅日滿江猶病酒錢塘女兒
靜且姝臂金盈尺衣六銖馮蘭飯飽觀戲魚清波照
影紅芙蓉江城到處時彌楫編買甘鮮窮所悅千里
携家任去留一生為客無離別敦農抑商昧遠計遂
使素封恣得意握籌狡僧俯承命危坐咄嗟收厚利

田廬彫弊君知否終歲勤勞莫糊口夏稅未了秋稅
來三十六策惟有走

喜逢口

灤陽驛東北四十里有雙塚世傳昔有父戍不歸者
其父求之適相遇此山下相抱大笑喜極而死遂葬
於是俗因謂之喜逢口亦猶望夫之有石也雖莫究
其世代姓氏而其言有足感人者故作是以紀之
兒寒解衣重撫摩兒饑推食孰忍訶長成與國遠負
戈一去不返當如何去時云戍東北鄙直出榆關度
遼水白頭郎罷與影俱豈憚山川千萬里天教此地

適相逢父曰從天墜吾子笑疲樂極俱殞身誰謂情
鍾遽如此官家開邊方未已同生又別寧同死山雲
漠漠風颼颼山頭雙塚知幾秋當時不恐一朝喜今
日翻飛千載愁猶勝貞女化為石終古孤身雙不得
清江寒影日悠悠行人一去無消息

赤壁

孽瞞禍水劇趙女漢火餘光能幾許蜀方傳薪噓未
然吳偶東縵成一炬萬艘枯蒿沃以膏空江如講長
風鼓九洲鼎沸羹魚龍連營熾炭燔貔虎雄圖南紀
成畫餽匹馬華容作窮鼠坡翁乘興賦赤壁爛漫天

機湧毫楮偶從雪裏寫芭蕉又似驪黃不毛舉考圖
求故此其地疾惡千年君躬睹江山蕭條歲華晚興
廢人間幾今古買魚沽酒弔阿瞞醉和漁歌短義舞
雪蓬歌贈廖楚材山長

人間塵土何地無道人自愛居江湖江湖佳處寫不
盡且復想像陳其擁舟如葉君勿笑氣象乃欲吞
堪輿四時風景皆可樂歲晚獨與天游俱青山昨夜
忽道去萬象一色涵冰壺眼界疑墮清虛府心境直
造鴻荒初道人箕踞受音供但訝光恠生蘆篠霜筠
露籜政不俗更欲緣飾為瓊琚湘江清碧俯見底嶽

簷倒影寒，繁紆興來不省。有物我短，衰獨速。歌吳歎，
可憐翠被秦復陶。但鼓憂患來攻，敗莫言雪盡。蓬蒿
廢，敲雨承月，仍相娛。

哀棄兒

雪霜載途，風裂肌。有兒鷓結行，且啼問兒何事。乃爾
悲，父母棄之前，欲追木皮食盡。歲又饑，夫婦行乞，甘
流離。負兒遠道，力已疲，勢難俱生。灼可推，與其寔尾
莫我隨。不如忍割從所之。今夕曠野兒安歸。明朝道
殮非兒誰。父兮母兮，豈不慈。天倫遽絕，天實為。卜年
執政，雖咸腓。發凜有議，常堅持。昔聞而知，今見之。合

皇援手無所施，兒行不顧寒。日西哭聲已遠，猶依倚。
偶閱可行書，見其印章曰：涇溪釣者，戲為野語。
道士只合山中居，釣者只合溪中漁。不山下溪朝市，
趨人輕爾厭重爾。誣彼道士者，尤迂愚。妄欲躋世為
唐虞，平生動為鬼。擲掄况負且乘，招而呼山耶。溪耶
盍歸歟。山有美茹，溪有魚。

李惟中學士自西臺侍御召入，以未央宮瓦甌
為贖，作此謝之。

漢家作宮法，紫微金鋪玉戶明。華棖甄官陶瓦，極能
事鉛丹。細擣咸陽泥，一朝神雀去不返。秋風未未驚

離離谷陵且變此宜盡一二時出農夫犂人間購求
作珍玩洗刷篆籀分毫釐西臺執法好事者鑿磨為
硯尤瑰奇體呈全璧徑尺許沼開新月才一眉堅如
鐵石潤如玉墨聲瑟瑟松風吹惠然匣送感高義但
惜所與非所宜公才真是謫仙裔善事利器方相資
嗟予蕪學忝詞館雖有此器無能為世傳銅雀亦佳
品搜剽黃壤今無遺高皇垂統四百載老瞞何物敢
等夷愛人屋上烏亦好况茲適用逾端溪楮生毛
質得友坐今几案增光輝代言揮制固多愧玉堂風
月猶能詩

中書又病得請將歸吳閑閑大宗師亦有疾以
其象為贈云代彼陪行焚香對之作此以謝

宵人本是山洋臞涉世政坐饑寒歐五年黃閣事何
補種作老病裝身軀灑京歸來十袂日藥裹不可離
須臾平生結客半寰宇未免操瑟從齊等可人底事
期不來承慶堂深誰敢呼邇來亦復詩作崇清減益
見風標孤杜門却掃難折簡豈意惠然來畫圖相看
一笑但臆對妙契未許卮言對清水寒玉照林表和
氣春風生座隅齋居頓覺俗氛遠高致已逼沈疴蘇
我方歸思劇迅矢公自有分居方盡過世此去計必



原件短缺

少夢中道路多繁紆便當卷奉江湖去願得始終如
蟹驢

小樓對閉閉宗師象因次舊韻寄之

鼎食不解肥我臞多病亦為山林毆巾車孤舟任所
適何往不可容微軀莫言五十未為老縱有七十來
須臾今年兩耳得差勝飽聽萬籟吹笙竽閑人多事
迫詩債野老敗興時招呼小樓今日好風色日斷天
末冥鴻孤一時幽興豈容負况對蓬島神仙圖篆煙
凝坐共心賞盡醉更把空尊勸懷人未免有芥蒂處
世已覺無廉隅分江小鼎煮粟粒誅茅別墅營屠蘇

窓虛聞葉落林暗見螢流對景因懷杜江村事事幽

登後山觀湖漲時陰雨忽霽

陰磴盤盤上枯藤得得來長楊半腰水老桂一身苔
秋氣蛩先覺風聲鶴欲回山雲自行雨休為老夫開

晚過韶州

世去重華遠名借二石存溪寒清見底榕老亂垂根
野色偏宜晚民居僅似村曲江人已矣楚些擬招魂

橫浦登舟

南征殊不惡樂事總相關馬上行思向舟中卧看山
盡收煙景去滿載月明還何往不自得浩歌天地間

元統甲戌分臺上京飲馬酒而甘嘗為作詩丁丑
分省日長多暇因數土產可紀者尚多又賦九題
并舊作為上京十詠云

馬酒

味似醜甘露香疑醴醴泉新醅撞重白絕品挹清玄
驥子饑無乳將軍醉卧檀榻官聞漢史鯨吸有今年

秋羊

塞上寒風起庖人急尚供戎鹽春玉碎肥豕壓花重
肉淨燕支透膏凝琥珀濃年年神御殿頒餼每露
黃羊

秋先膾沙平夜不藏解條文力健齋炙宰天忙
春肉須共世無魂亦似輦少年並殺假爾試穿腸

黃鼠

北產推珍味南來怯陋容豨肥豕不武人拱若為恭
發掘憐禽穢招徠或水攻君毋急盤饌幸自不穿牆

糝麪

裝遠花全白霜輕實便黃并頭髮退墨磴齒雪流香
玉葉翻盤薄銀絲出漏長元宵貯膏火蒸墨笑南鄉

南鄉膏麪黑甚熟則堅實
若瓦石可代陶盞貯膏火

蘆葦

性質宜沙地栽培屬夏畦熟登甘似芋生薦脆如梨
老病消癯滯竒功直品題故園長尺許青葉更堪羹

白菜

土羔新且嫩筐筥薦紛披可作青菁飯仍携玉版師
清風牙頰響真味士夫知南土稱秋末投簪要及時

沙茵

牛羊膏潤足物產借英華帳脚駢連地此物喜生草

夏秋則環繞其迹而出釘頭怒戴沙齋厨供玉食毳索出

莫作齏涎想家園有莫邪

地椒

凍雨催花紫輕風散野香刺沙尖葉細敷地亂條長
楚客收成裹奚童擷滿筐行厨供草具調鼎爾非良

韭花

西風吹野韭花發滿沙陀氣校葷蔬媚功於肉食多
濃香跨薑桂餘味及瓜茄我欲收其實歸山種澗阿

尋梅

何以慰言哀梅花秀發時晚香傳遠樹春雪透南枝
靜靜來差早溪深行獨遲與君謀一醉及此未離枝

水木清華亭宴集十四韻并序

水木清華亭侍御史王公公儼別墅也位都城巽隅

出文明門餘里許園池構築甲諸邸第予客京有年
識公儼亦久而未嘗迹其地至正乙未春自汴召入
俄公儼由遼省拜中臺握手傾倒屢約宴集塵冗不
果致期宿具復有意外之撓乃七月二十又三日始
遂蓋簪左轄呂仲實中執法杜德常右司王本中左
司尚彥文寔同尊俎酒旨樂備物腴意勤適雨霽秋
清塵空地迥庭木湧翠渚蓮散紅北窗閣閣五雲香
靄極目西望舳艫汎汎於烟波浩渺雲崑參差之間
蕭然有江鄉之趣不知其為教學自摩之境也煩襟
滯慮滌濯淨盡茲游奇絕宜造物之不輕畀也公儼

請曰人生四美百年幾遇不可不紀也乃即水木清
華亭為韻賦詩有壬分華字其詩曰

世祿推門開天堦幾拜嘉高情忘勢利大隱謝紛華
朝市塵無染蓬瀛路豈賒眷言營別墅初不遠東華
畫舸堂前過青帘初外科晴紅迷菡萏寒翠接蒹葭
揮塵風生座扶筇雨壓沙萍開輕泛鴨荷側重擊蛙
只訝神仙府誰知宰相家賓朋玄圃玉文采赤城霞
鼎曲凝雲表鮮粧炫水涯添栽三徑竹並賞四時花
心事尊中物人生海上槎相逢須盡興明日各趨衙
送馬明初教授南歸二十韻并序

後至元戊寅予得請歸江夏別業明年冬遊長沙又
明年二月安仁馬君明初來見於琅璫山其人溫醇
其文粹精傾蓋如平生同遊南嶽更唱迭和遂同歸
江夏甫七日復叅知政事命下以小兒累之又同北
馬至任城明初舟覆幾不免間關跋涉不忍予棄用
中臺翰林薦堂除縑山書院山長及格擢右衛率府
教授始釋褐衛官若胥卒皆國人明初請收書教其
子弟為華學官屬聽之鳩俸檄明初買書江南因得
歸省其家馬過予相下將別請言吁世俗之交翻覆
雲雨况延之館塾者其為交不又密乎饕餮之不精

不時也供待之不慎不及也脯脩之不腆也汲引之
不剛也為主入者有能不犯於是者乎人情久則狎
狎則慢慢則隙生焉賓主至是不失歡者鮮矣而明
初與予十年如一日始終無間言有德君子哉述其
槩為詩以餞之其詩曰

吾子昔傾蓋琅璫古渡頭袖文驚蜀錦懷寶重天球
心既同金斷膠因向漆投有邀源共往無倡不為酬
南嶽朝聯轡湘江暮艤舟殺窮峰頂寺詩滿水是樓
訪古由來喜尋芳到處留遂移衡浦隱便作武昌遊
坐席何曾暖招燕遽見求高情安放次遐躅又神州

道路多嘗險山川只薦愁掃雲見兔穎塵雪弊必裹
善誘兒何幸深藏價未收忽看鴻鵠舉甘效靈否休
涸水寒偏瑩林慮晚更幽誰知三仕已相累十春秋
公道先揚善真才自放充恩袍明翡翠教舞振龍鱗
行役仍清淡言歸藐阻脩臨歧惟一語音信莫悠悠
壽李秋谷平章

黃鍾噓暎晚春留綠蟻浮香帶月驚宰相得閑總是
買人生有子更何求家傳文字五千卷身在神仙十
二樓記取年年好風景雪松霜檜豈容秋
送黃文復歸長沙

半生湖海夢依稀但誦湘南遠寄詩先友凋殘公獨
健故園荒盡我方歸百年未滿常憂畏千里相逢又
別離他日瓊江松下路西州難似此沾衣

橫山有高竹樓別業留信宿始歸

酒香牲脯主人歸正是猿驚鶴怨時梅影小池春入
畫竹聲虛閣夜催詩世間真樂無多事身外浮名只
費辭他日結茆容我隱一章先當買山資

九日陪闔臺諸公登石頭城

一江環抱四山圍酬節追歡剩費詩鴈影不移雲盡
處秋光都在雨晴時當年玉樹人何在明日黃花蝶

豈知便駐高軒拚醉倒絕勝無酒繞東籬

題昌平劉諫議祠

一卷春秋兩鬢皤丹誠貫日口懸河策能匡世時不用天寶厭唐人柰何自古大材多薄命而今我輩亦登科可憐惠腐俱塵土得似高名永不磨

遊昌平懋縣學歸過朱都督碑

木葉才霜水不波偷閑今日遂婆娑清秋林壑斜陽好豐歲郊原樂事多秦塞已隳仍郡縣武城雖小有弦歌却憐一片朱家石千古涇原臭不磨

神山即事

京塵汨沒已華顛恰是山居第一年松月照窓詩入聖竹風吹榻夢遊仙隨人久作悠悠者處世方知縛縛然尚愧未能忘口腹時勞昆季致肥鮮

和謝敬德學士見寄韻二首

平生踈懶是天姿今歲春來起亦遲好酒或如陶靖節杜門深愧鄭當時向來事業惟供笑如此風光忍廢詩館閣真才試故舉鵠山陪預恐難期

淡靄輕風弄野姿江天寥廓鳥飛遲從知宇宙多閑地誰信襟懷勝舊時夜雨不驚逋客夢暮雲猶入故人詩山中亦有陽春曲拂拭朱絃待子期

登岳陽樓

半空輪奐壯巴丘，消得騷人一繫舟。
雲氣遠携湘雨至，湖光寒入蜀江流。
山川信美非吾土，天地無窮有此樓。
三十四年如夢過，可憐華髮賦重游。

黃陵廟

黃陵廟下草萋萋，水遠山長聽竹枝。
末路不求同死處，重華寧有再來時。
霜筠苦淚留千古，桀樹愁雲接九疑。
珍重韓公修廢墜，却憐微福類神私。

過湘潭

江邊楊柳翠繁回，柳外人家罨畫開。
一夜東風花落盡，

盡千年華表鶴歸來，暮雲山出逐浮黛。
春雨水添潑潑，潑醅莫厭扁舟訪陳迹。
白頭懷抱易生哀。

祝融峯與廷鎮鴈，詠有懷鄆陽原功。
蓋嘗約同遊，而予不能待其歸也。

載酒窮躋最上峯，嘯歌聲撼海濤風。
得陪五馬二千石，獨少三生六一翁。
為問北門紅日下，何如南嶽白雲中。
寄詩幾欲申前約，無奈人生似燕鴻。

時雨忽降薄書甚稀，獨坐王可矩右司有詩次其韻。

翠樾雲深百鳥鳴，形閑如水綠涼生。
雨聲自與詩有

約天巧豈容人強名萬里秋風黃鶴夢五湖春水白
鷗盟年來不用愁華髮尚有觀山老眼明
西廳東閣總詩鳴天籟相聞觸處生京國故人多老
病洛陽才子獨聲名風雲幸際文昌運松柏休忘歲
晚盟他日江湖攜手去儘渠蚊睫有焦明

題武衛殿指揮書林

相府深沉書若林牙籤挿架列森林千枝萬葉本根
在二帝三王雨露深楷巒斯文功到學棟梁來世聖
賢心經殘百氏紛紛出憤勿輕掃惡木陰

閑居雜詩四首

鬢髮蒼浪齒動搖自知言退待誰招茶餘引鶴消春
晝酒醒聞雞記早朝肥甘玉肘羹縮項香翻雲子飯
長腰尚嫌門有徵詩客吐興山人破寂寥

半山雲樹接脩篁鎮日坐塵到草堂菴牖風來書葉
亂膽瓶花落硯池香壺醜自酌教微醉松菊猶存及
未荒護果灌園常不暇誰知閑裏更多忙

鵲山東北接郊墟郭影出光晝不如九十日春朝暮
雨兩三間屋古今書庭花紅礙經行處園竹青回剪
伐餘滿地蒼苔愁踏破在來深喜故人疎
編祿多慙號具臣歸田何事作閑人登山臨水今非

客病酒愁花又過春夢
紫霄黃閣遠眼明青鏡白
頭新芥臺竹笋來相續
道茅柴味更真

和傅汝礪寄來韻一首

江水舟航日夜東故人
問得常通君才能曉
重我老惟懷一畝宮
自士山林容小隱
只今臺省有諸公
欲知別後詩成處
都在花香竹影中
春紅園圃眩西東
花下絲絃一逕通
不向雷門操布鼓
要從人海見珠宮
多言浪負三千牘
老妻都忘十八公
珍重吾宗有成訓
人間何似在山中
圭塘小藁卷之三終

圭塘小藁卷第四

元中憲大夫同憲太常禮儀院事弟有字編

絕句

題西域木唐娣旌表孝義卷

橋梓天殊棣有華
良心初不問幽遐
何年四海無差表
盡化忠臣善一家

琳宮詞次安南王韻二首

涼入簾櫳夜色輕
添月更虛明
一壺天地源無迹
只有清風竹樹聲
山中活計只然霞
世事茫茫日自斜
請到玉堂無好

况夜深猶草侍中麻

織錦迴文圖

明珠金縷爛紫回香玉連環剪不開不把肺肝都織
出將軍惟識趙陽臺

杜子美象

刪後騷餘代有聞集成惟許杜陵人憑誰寄語流
者流到江西不是春

賞心亭

賞心亭上雙柏樹看我往來今十年柏樹青青宛如
昔當時游子已華顛

牛背觀書圖

蒲鞵盤膝勝安輿人訝形骸與世疎却笑徒居三十
乘恰如牛背一編書

畫馬

惆悵孫陽世久無紛紛駑驥遂齊驅不教神物俱
滅猶幸人間有畫圖

丙吉問牛圖

肥充列鼎健充車厚養寧為簿領歐千古清風掃入
傳憑誰書繼丙家圖

和康里子山韻

洞深春早透蘭芽
窓曉雲香亂海霞
萬丈紅塵飛不到
紫簫吹綻碧桃花

李陵臺

李陵臺下駐分臺
紅藥金蓮徧地開
斜日一鞭三十里
北山飛雨逐人來

上都歸口號

嬌兒幼女逐山妻
爭解行囊看賜衣
顛倒海圖裨短褐
可憐社老北征歸

信筆

造物知余素愛山
一官故調萬山間
山深民朴官無

事却為觀山日不開

冬夜即事

紙窓鋪月白溶溶
爐火欺燈照室紅
萬籟聲沉入語定
好詩都在杳冥中

行縣書所見

漲潦留泥糞稻畦
石渠分水灌麻池
醉翁社散忘歸路
行過柴門尚不知

謝祐之桃花折枝

天台不折一枝歸
晴日明窓有所思
流水亂山迷去路
按圖無語立多時

令狐學士金蓮圖

九天光彩動金闈
輦路風香樹影齊
却笑漢家恩數薄
只教天祿待青藜

神山襍詩二首

山留殘雨濕拖雲
竹引鮮飈細灑人
詩思清如寒水玉
林教落紙恐沾塵

窓扉九夏鎮長開
一榻無塵地有苔
惟底山禽栖不穩
竹林風雨送涼來

次黎東山鳳栖別墅韻

風漪翠舞躬耕稻
雲錦紅酣手種花
策杖尋君迷不

得有書聲處是君家

七里原頭營別業
三間堂下有東籬
霜林不盡天如洗
都是山人未了詩

都門柳

都門四十里青青
幾度迎人幾送行
老子有言采政柳
只煩相送莫相迎

書所見二首

陵坡野菜綠如鋪
膚受方期甯老榆
菜少人多挑掘盡
有榆從此盡無膚

田園賣盡及兒孫
少杜流移老病存
一段升平好圖

畫人間惟欠鄭監門

夜次館陶 二首

三老趨程公憚勞船頭坐看月輪高煙村漁火微
荒外一簇人家是館陶

浦雲林霧對蒼蒼水面無風晚自涼今夜蓬窓應不
寐計程三百是吾鄉

林慮南樓

西山為我曉烟開正爾癡鍾造物哀更欲細看陰
覆老龍將雨出山來

題龍遜甫耕雲堂

滿山深鎖白英英不解為霖但可耕只恐無心忽飛
去埜人何處望秋成

董仲達送予至湘陰別後順風比晚行三百里
悵然有懷作二絕付其僕之遠送者持歸

吾子才華我最知鬢毛回首各成絲汨羅江上一杯
酒萍水相逢又幾時

江籬杜若滿汀洲騷國春來亦可愁一日順風三百
里故人何處望予舟

即事 二首

幾家門繫釣魚船一陣風香燎麥烟盡出太平村落

景酒旗多在綠楊邊

遠浦客帆明冉冉前村牧笛響嗚嗚園桑葉盡蠶成
繭庭樹陰濃燕引雛

春日漫述

竹几蒲團嬾最宜不知花影隔窓移鄰翁忽報小甕
熟老子坐忘成坐馳

回龍圖

能辨人間大有年九淵誰遣抱珠眠等閑莫似隆中
起雨得西南最爾天

蘇彥良西塾堂

蒼苔滿徑樹連村中有幽人屐齒痕此去客來宜定
約無詩無酒不開門

圭塘小藁卷之四終

